

四庫全書

子部

欽定四庫全書

子部

廣博物志卷三十六

詳校官侍讀學士

臣沈咸熙

主事

臣

祁韻士覆勘

總校官知縣

臣

楊懋珩

校對官編修

臣

潘庭筠

謄錄監生

臣

姚元烺

欽定四庫全書

廣博物志卷三十六

明董斯張撰

居處

明堂

宮

殿

臺

觀

匠人營國

始作而立之謂之建

方九里

上公之國其城

城不宜如

旁三門

城之四旁各為三門共十二門

國中九經九緯

國中路

縱者九塗為之經橫者九塗為之緯

經涂九軌

軌車轍跡也言經涂之廣可容九車往來然王城之

門既有十二則所謂九經九緯九軌者皆當以十二為數也

左祖右社

正宮在城之中其左為宗

廟其右
為社稷
面朝後市

其前為朝廷
其後為市井

市朝一夫

朝者官吏所
會市者商旅

所聚必一夫百畝之
地然後足以容之

夏后氏世室

此言三代明堂之制
夏后氏號為世室也

堂修二七

夏后氏度以步堂修二七者
謂其南北之深十四步也

廣四修一

堂之
廣並

以四分修之一則其
廣十七步有半矣

五室三四步四三尺

堂上有五室
以象五行東

北木室東南火室西南金室西北水室其深皆三步其
廣皆並以四尺也中央土室其深四步其廣並以三尺

也九階

南面三階東西北面
各二階共為九階

四旁兩夾牕

每室四戶每
戶夾以兩牕

共為白盛

以蜃灰堊其
牆壁也盛成

門堂三之二

門堂門反之堂也
其深廣比正堂有

三分室三之一

門堂之室其深廣比
正室有三分之一

殷人重屋

殷人號
為重屋

堂修七尋

商人度以尋一尋八尺七尋則深五丈六尺也

堂崇三尺四阿重屋

言四方屋棟皆為重屋故號重屋也

周人明堂

明堂之內有世屋有重屋三代各舉其一以名之

度九尺之筵

周人度以筵每筵長九尺

東西九筵

東西之廣為八丈一尺

南北

七筵

南北之深為六丈三尺

堂崇一筵五室

與夏制同

凡室二筵

每室一丈

八室中度以几

此總言量地之法一几五尺

堂上度以筵

一筵九尺

宮中

度以尋

一尋八尺

野度以步

一步六尺

涂度以軌

一軌七尺

廟門容大

局七个闥門容小局三个路門不容乘車之五个應門

二徹三个內有九室

路門之內有九室

九嬪居之

九嬪贊三夫人以佐后而

治內政故各居一室

外有九室

路門之外亦有九室

九卿朝馬

九卿贊三公以佐天子而

治外政故其入朝也亦各居一室焉

九分其國以為九分

一國之內畫為九分猶井田之

法九卿治之

三孤六卿合為九卿各治一分

王宮門阿之制五雉

雉城上之

堞也五堵為雉則長三丈高於一丈也阿棟也門阿之制五雉則三丈之長者五也

宮隅之制七

雉

隅角也宮隅高於門阿故為七雉則一丈之長者七也

城隅之制九雉

城隅高於宮隅

故為九雉則三丈之長者九也

經涂九軌

城中經涂可容九車

環涂七軌

環城之涂可容

七野涂五軌

野外之涂可容五車

門阿之制以為都城之制

都城王子

弟所封之邑其城如門阿之制則無過五雉也

宮隅之制以為諸侯之城制

諸侯

之城如宮隅之制則無過七雉也

環涂以為諸侯經涂

諸侯經涂可容七車

野涂

以為都經涂

都邑經涂可容五車周禮

明堂在國門之外一堂九室四門八階

徐虔明堂議

黃圖義云明堂夏后並之為世室堂之大百四十有四

尺坤之策屋圓徑三百一十六尺乾之策九階者周禮

注南三東西北各二賈馬等以為九等非也禮傳周堂

九尺商三尺夏一尺相三數也

明堂上圓法天下方法地八牕象八風四闥法四時九

室法九州十二坐法十二月三十六戶法三十六雨七

十二牖法七十二風

白虎通

明堂在辰巳者言在木火之際辰木也已火也木生數

三火成數七故在三里之外七里之內

合誠圖

神農之治天下也以時嘗穀祀于明堂明堂之制有蓋而無四方風雨不能襲寒暑不能傷遷延而入之養民

以公

淮南子

神農氏祀明堂黃帝謂之合宮堯謂之五府

新論

殷人謂明堂曰陽館

尸子

周公將致政成王朝諸侯于明堂六年而天下大治乃令方國諸侯于宗周大朝諸侯于明堂之位天子負斧扆南立羣公卿士侍于左右三公之位中階之前北面東上諸侯之位阼階之東西面北上諸伯之位西階之西東面北上諸子之位門內之東北面東上諸男之位門內之西北面東上九夷之國東門之外西面北上八蠻之國南門之外北面東上六戎之國西門之外東面

北上五狄之國北門之外南面東上四塞九采之國世

告至者應門之外北面東上此宗周明堂之位也

周書

明堂所以通神靈感天地正四時

禮舍文嘉

帝者承天立府以尊天重象赤曰文祖黃曰神斗白曰

顯祀黑曰玄矩蒼曰靈府

尚書帝命驗

明堂者布政之宮周治五室東為木室南為火室西為

金室北為水室土室在中秦為九室十二階各有所居

李謚字永和覽考工記大戴禮盛德篇以明堂之制不

同遂著明堂制度論曰余謂論事辨物當取正於經典之真文援證定疑必有驗于周孔之遺訓然後可以稱準的矣今禮文殘缺聖言靡存明堂之制誰使正之是以後人紛糾競興異論五九之說各信其習是非無準得失相半故歷代紛紜靡所取正余竊不自量頗有鄙意據理尋義以求其真貴合雅衷不苟偏信推義察圖以析厥衷豈敢必善聊亦合其言志矣凡論明堂之制者雖衆然校其大畧則二途而已言五室者則據周禮

考工之記以為本是康成之徒所執言九室者則案大戴盛德之篇以為源是伯喈之倫所持此二書雖非聖言然是先賢之中博見洽通者也但各記所聞未能全正可謂既盡美矣未盡善也而先不能考其當否便各是所習卒相非毀豈達士之確論哉禮記月令玉藻明堂三篇頗有明堂之義余故採掇二家參之月令以為明堂五室古今通則其室居中者謂之太廟太室之東者謂之青陽當太室之南者謂之明堂太室之西者謂

之總章當太室之北者謂之玄堂四面之室各有夾房
謂之左右个三十六戶七十二牖矣室个之形今之殿
前是其遺像耳个者即寢之房也但明堂與寢施用既
殊故房个之名亦隨事而遷耳今粗書其像以見鄙意
案圖察義畧可驗矣故檢之五室則義明于考工校之
戶牖則數協于盛德考之施用則事著于月令求之閏
也合周禮與玉藻既同夏殷又符周秦雖乖通儒儻或
在斯矣考工記曰周人明堂度以九尺之筵東西九筵

南北七筵堂崇一筵五室凡室二筵室中度以几堂上
度以筵余謂記得之于五室而謬于堂之脩廣何者當
以理推之令愜古今之情也夫明堂者蓋所以告月朔
布時令宗文王祀五帝者也然營構之範自當因宜制
制耳故五室者合于五帝各居一室之義且四時之祀
皆據其方之正又聽朔布令咸得其月之辰可謂施政
及俱二三但允求之古義竊為當矣鄭康成漢末之通
儒後學所取正釋五室之位謂土居中木火金水各居

四維然四維之室既乖其正施令聽朔各失厥衷左右
之个棄而不顧乃反文之以美說飾之以巧辭言水木
用事交于東北木火用事交于東南火土用事交于西
南金水用事交于西北既依五行當從其用事之交出
何經典可謂工于異端言非而博疑誤後學非所望于
先儒也禮記玉藻曰天子聽朔于南門之外閏月則闔
門左扉立于其中鄭玄注曰天子之廟及路寢皆如明
堂制明堂在國之陽每月就其時之堂而聽朔焉卒事

反宿路寢亦如之閏月非常月聽其朔于明堂門下還處路寢門終月也而考工記周人明堂玄注曰或舉王寢或舉明堂互言之以明其制同也其同制之言皆出鄭注然則明堂與寢不得異矣而尚書顧命篇曰迎于釗南門之外延入翼室此之翼室即路寢矣其下曰大貝賁鼓在西房垂之竹矢在東房此則路寢有左右房見于經史者也禮記喪服大記曰君夫人卒于路寢小斂婦人髻帶麻于房中鄭玄注曰此蓋諸侯禮帶麻于

房中則西南天子諸侯左右房見于注者也論路寢則明其左右言明堂則闕其左右同制之說還相矛盾通儒之注何其然乎使九室之徒奮筆而爭鋒者豈不由處室之不當哉記云東西九筵南北七筵五室凡室二筵置五室于斯堂雖使班倕構思王爾營度則不能令三室不居其南北也然則三室之間便居六筵之地而室壁之外裁有四尺五寸之堂焉豈有天子布政施令之所宗祀文王以配上帝之堂周公負扆以朝天子

之處而室戶之外僅餘四尺而已哉假在儉約為陋過
矣論其堂宇則偏而非制求之道理則未愜人情其不
然一也余恐為鄭學者苟求必勝競生異端以相訾抑
云二筵者乃室之東西耳南北則狹焉余故備論之曰
若東西二筵則室戶之外為丈三尺五寸矣南北戶外
復如此則三室之中南北裁各丈二尺耳記云四旁兩
夾牕若為三尺之戶二尺牕牕戶之間裁盈一尺繩樞
甕牖之室簾門圭窬之堂尚不然矣假令復欲小廣之

則四面之外濶狹不齊東西既深南北更淺屋宇之制
不為通矣驗之衆途畧無算焉且凡室二筵丈八地耳
然則戶牖之間不踰二尺也禮記明堂天子負斧扆南
向而立鄭玄注曰設斧于戶牖之間而鄭氏禮圖說扆
制曰從廣八尺畫斧交于其上今之屏風也以八尺扆
二尺之間此之亘通不待智者較然可見矣且若二筵
之室為四尺之戶則戶之兩頰裁各七尺耳全以置之
猶自不容矧復戶牖之間哉其不然二也又復以世代

驗之即虞夏尚朴殷周稍文制造之差每加崇飾而夏
后世室堂脩二七周人之制反更促狹是豈夏禹卑宮
之意周監郁郁之美哉以斯察之其不然三也又云堂
崇一筵便基高九尺而壁戶之外裁四尺五寸于營制
之法自不相稱其不然四也又云室中度以几堂上度
以筵而復云凡室二筵而不以几還自相違其不然五
也以此驗之記者之謬抑可見矣盛德篇云明堂凡九
室三十六戶七十二牖上圓下方東西九仞南北十筵

堂高三尺也余謂盛德篇得之于戶牖失之于九室何者五室之制旁有夾房面各有戶戶有兩牖此乃因事立則非拘異術戶牖之數固自然矣九室者論之五帝事既不合施之時令又失其辰左右之个重置一隅兩辰同處參差出入斯乃義無所據未足稱也且夫堂之修廣裁六十三尺耳假使四尺五寸為外之基其中五十四尺便是五室之地計其一室之中僅可一丈置其戶牖則于何容之哉若必小而為之以容其數則令帝

王側身出入斯為怪矣此非直不合典制抑亦可哂之甚也余謂其九室之言誠亦有由然竊以為戴氏聞三十六戶七十二牖亦見其制靡知所置便謂一室有四戶之牕計其戶牖之數即以為九室耳或未之思也蔡伯喈漢末之時學士而見重于當時即識其脩廣之不當而未必思其九室之為謬更脩而廣之假其法象可謂因偽飾辭順非而澤諒可歎矣余今省彼衆家委心從善庶探其衷不為苟異但是古非今俗間之常情爰

遠惡近世中之恒事而千載之下獨論古制驚俗之談
固延多誦脫有深賞君子者覽而揣之倘或存焉

北史
以

下
宮

堯使禹作宮

世
本

堯山下有平陵陵上有古大堂基十餘處謂曰堯故亭

父老相傳堯南巡登此山故亭即其行宮

王韶之
始興記

帝舜都郭門古宮存焉宮前有堯臺舜館銘記古文莫

有識者

述異
記

殷作九市之宮而諸侯畔

東方朔傳

昔者有洛氏宮室無常池園廣大工功日進以後更前

民不得休農失其時饑饉無食成湯伐之有洛以亡

周書

武王克殷欲築宮于五行之山周公曰不可夫五行之

山固塞險阻之地也使我德能覆之則天下納其貢職

者迴也使我有暴亂之行則天下伐我難矣此所以三

十六世而不奪也

天子作居范宮以觀桑者

穆天子傳

齊桓公宮中二市婦閭二百

韓子

東宮周一里二百七十步路西宮在長秋周一里二十

六步秦始皇帝十一年守宮者照燕失火燒之

越絕書

春申君都吳宮因加巧飾春申死吏照燕窟失火遂焚

吳地

記

宋王築武宮謳癸倡行者止觀築者不倦王聞召而賜
之對曰臣師射稽之謳又賢於癸王召射稽使之謳行
者不止築者知倦其謳不勝如癸美何也對曰王誠度

其功癸四板射稽八板摘其堅癸五寸射稽二寸

韓非子

夫差作天池造青龍舟日與西施為水嬉又有別館在
句容楸梧成林謠云梧宮秋吳王愁

闔閭搆水精宮尤極珍怪皆出自水府

述異記

蘭池宮始皇三十一年為微行咸陽與武士四人俱夜

出逢蘭池注渭城縣有蘭池宮

三輔黃圖

宣曲宮在昆明池西孝宣帝曉音律常于此度曲因以
為名

養德宮趙王如意年幼未能就外傳戚姬養之趙王內
傅趙媼傳之號其室曰養德宮

甘泉宮一曰雲陽宮史記秦始皇二十七年作甘泉宮

及前殿築甬道

築垣牆如街巷

自咸陽屬之關輔記曰林光宮

一曰甘泉宮秦所造在今池陽縣西故甘泉山宮以山

為名

或曰高泉山蓋習俗語訛耳

宮周匝十餘里漢武帝建元中增

廣之周十九里去長安三百里望見長安城黃帝以來

圜丘祭天處

漢志雲陽縣有休屠金人徑路神祠三所音義云匈奴祭天處本雲陽甘泉山下秦

奪其地從休屠右地

遁甲開山圖云雲陽先生之墟也武帝造闕

于南以象方色于甘泉宮更置前殿始造宮室有芝生

甘泉殿邊房中

房中樂有芝草之歌

漢舊儀云芝有九莖

芝草歌曰九莖

連芝金色綠葉朱實夜有光乃作芝房之歌帝又起紫

殿雕文刻鏤黼黻以玉飾之成帝永始四年行幸甘泉

郊泰畤神光降于紫殿今按甘泉谷北岸有槐樹今謂

玉樹根幹盤峙三二百年木也楊震闕輔古語云耆老

相傳咸以謂此樹即揚雄甘泉賦所謂玉樹青葱也甘

泉有高光宮又有林光宮有長定宮竹宮通天臺通靈臺武帝作迎風館于甘泉山後加露寒儲胥二館皆在雲陽甘泉中西廂起彷徨觀築甘泉苑建元中作石闕封巒鳩鵲觀于苑垣內宮南有昆明池苑南有棠梨宮漢未央長樂甘泉宮四面皆有公車

公車主受章疏之處

駘蕩宮春時景物駘蕩滿宮中也

馭娑宮馭娑馬行疾貌馬行迅疾一日之間遍宮中言宮之大也

天梁宮梁木至于天言宮之高也四宮皆在建章宮

枌詣宮枌詣木名宮中美木茂盛也

鼓簧宮漢宮閣疏云鼓簧宮周匝一百三十步在建章

宮西北

竹宮甘泉祠宮也以竹為宮天子居中

扶荔宮在上林苑中漢武帝元鼎六年破南越起扶荔

宮

宮以荔枝得名

以植所得奇草異木菖蒲百本山薑十本甘

蕉十二本留求子十本桂百本蜜香指甲花百本龍眼

荔枝檳榔橄欖千歲子柑橘皆百餘本荔枝自交趾移植百枝于庭無一生者連年猶移植不息後數歲偶一枝稍茂終無華實帝亦珍惜之一旦姜死守吏坐誅者數十人遂不復蒔矣其實則歲貢為郵傳者疲斃于道極為生民之患至後漢安帝時交趾郡守極陳其弊遂罷其貢

五柞宮漢之離宮也在扶風盩厔宮中有五柞樹因以為名五柞皆連抱上枝覆蔭數畝

並上

長安有鼓篋宮承光宮宜春宮池陽宮黃平宮黃山宮

望仙宮集賢宮延壽宮祈年宮林梵宮太乙宮夜光宮

昇湖宮谷口宮

漢宮
闕名

建章宮東起別風闕高二十五丈乘高以望遠又于宮

門北起圓闕高二十五丈上有銅鳳凰赤眉賊壞之

三輔

舊
事

梁孝王好營宮室苑囿之樂作曜華之宮築兔園中有
百靈山山有膚寸石落援巖栖龍岫又有雁池池間有

鶴洲鳧渚其諸宮觀相連延亘數十里奇果異樹瑰禽
怪獸畢備王日與宮人賓客弋釣其中

上

元鼎元年起招仙閣于甘泉宮西編翠羽麟毫為簾青
琉璃為扇懸黎火齊為牀

洞冥記

河間王築日華宮置客館二十餘區以待學士自奉養

不踰賓客

西京雜記

漢武以雜寶裝牀屏帳等設于桂宮謂四寶宮

上

燕王旦在明光宮欲入所卧戶三間盡閉使侍者二十

人開戶戶不開其後旦坐謀反自殺

論衡

漢成帝好微行于太液池傍起宵游宮以漆為柱鋪黑
絳之幕器服乘輿皆用黑色既悅于暗行憎燈燭之照
宮中美御皆服皂衣自班婕妤已下咸帶玄綾簪珮雖
如錦繡更以木蘭紗絹罩之至宵游宮乃秉燭宴幸既
罷靜鼓自舞而步不揚塵好夕出遊造飛行殿方一丈
如今之輦選羽林之士負之以趨帝于輦上覺其行快
疾聞其中若風雷之聲言其行疾也名曰雲雷宮所幸

之宮咸以羶綿藉地惡車轍馬跡之喧雖惑于微行昵
宴在民無勞無怨每乘輿返駕以愛幸之姬寶衣珍食
捨于道傍國人之窮老者皆歌萬歲是以鴻嘉永始之
間國富家豐兵戈長戢劉向谷永指言切諫于是焚宵
遊宮及飛行殿罷宴逸之樂所謂從繩則正如轉圜焉

拾遺
記

孝哀廣四時之房靈帝修裸遊之館妖惑為之則神怨
工巧為之則人虐夷國淪家可為慟矣

高堂隆刻鄴宮屋材云後若干年有天子居此惠帝止

鄴宮治屋者土剝更泥始見刻字計年正合

王隱
晉書

明帝欲起北宮鍾離意上書諫出為魯相後起德陽殿
殿成百官大會上謂公卿曰鍾離尚書若在不得成此

殿

東觀
漢記

謝安作新宮太極殿久一梁有梅木流至石頭城下取
用之畫梅花于梁上表瑞

邴輔櫟陵人也好學多才藝巧思機智妙于當時襄國

宮殿臺榭皆輔所營也

後趙錄

耆域見洛陽宮城云彷彿似忉利天宮但自然之與人
事不同耳域謂沙門耆闍密曰匠此宮者從忉利天來
成便還天上矣屋脊瓦下應有千五百作器時咸云昔
聞此匠實以作器著瓦下

神僧傳

十宮在江都縣北五里長阜苑內依林傍澗因高跨阜
隨地形置焉並隋煬帝立也曰歸雁宮回流宮九里宮
松林宮楓林宮大雷宮小雷宮春草宮九華宮光汾宮

是曰十宮

壽春
圖經

四月車駕幸汾陽宮避暑宮所即汾河之源上有名山
管涔高可千仞帝于江山造亭子十二所其最上名翠
微亭次閭風彩霞臨月飛芳積翠合璧含輝凝碧紫嵩
澄景最下名尚陽亭亭子內皆縱二丈四邊安劔闌每
亭鋪六尺榻子一合山下又有臨汾殿勅從官縱觀

大業

拾遺

東南置宮苑周十二里其中有驪宮十六所其流觴曲

水別有涼殿四所環以清流共四殿一曰圓基二曰結綺三曰飛宇四曰漏景其十六宮亦以殿名名宮芳夏池之左一曰驪光宮二曰流英宮三曰紫芝宮四曰凝華宮五曰瑤景宮六曰浮綵宮七曰舒芳宮八曰懿樂宮左第一曰采辟宮二曰椒房宮三曰朝霞宮四曰明珠宮五曰翼仙宮六曰翠微宮七曰層成宮八曰千金宮

宮

上 又詔定西苑十六院名景明一迎暉二棲鸞三晨光四明霞五翠華六文安七積珍八影紋九儀鳳

十仁智十一清修十二寶林十三和明十四綺繪十五降陽十六皆帝自製名

上元夫人言西王母有六甲之術用之可以遊景雲之

宮登流霞之堂

漢武
內傳

圓華宮黃老之所處

太洞
真經

納臺宮南朱君居之音光宮西華君居之七瑤宮九元

君居之返香宮元昭君居之紫曜宮司命君居之金華

宮黃房君居之

上清
經

天仙上真之宮室高九千丈有大方諸小方諸大方諸
對會稽東南七萬里小方諸之上多有奉佛者人皆服

五星精讀夏歸藏經用以飛行

真誥

大初天中有華景之宮宮有自然九素之氣氣煙亂生
雕雲九色入其煙中者易貌居其煙中者百變又有慶
液之河號為吉人之津又有流汨之池池廣千里中有

玉樹飲此流汨之水則五藏明徹面生紫雲

雲笈七籤

五保青宮北殿上有金格格上有金章鳳璽玉體丹青

羽蓋昇仙法服以給成真之人

金根經

太極紫瑤之闕太極玄光真君所治之處

洞玄經

方丈山有琉璃宮

十洲記 又云崑崙山
有水精闕 以下殿

帝見伯岐於鑾殿

黃帝
經序

昆明池中有靈波殿常得丹豹之髓白鳳之膏磨青錫
為屑以蘇油和之照于神壇夜暴雨光不滅有霜蛾如
蜂赴火侍者舉麟鬚拂拂之

洞冥
記

奇華殿在建章宮旁四海夷狄器服珍寶火浣布切玉

刀巨象大雀師子宮馬充塞其中

三輔
黃圖

蚩者海獸也漢武帝作栢梁殿有上疏者云蚩尾水之

精能辟火災可置之堂殿今人多作鷗字

蘇鶚演義

武帝時後宮八區有昭陽飛翔增成合歡蘭林披香鳳凰鴛鴦等殿後有增修安處常寧蒞若椒風發越蕙草

等殿

三輔決錄

未央宮有延年殿四車殿

上

顯陽殿北有雲氣殿

楊龍驤洛城記

成帝設雲帳雲幄雲幙于甘泉紫殿世謂之三雲殿

西京

記

婕妤並貴幸號昭儀求近遠條館帝作少嬪館為露華
殿含風殿博昌殿求安殿皆為前殿後殿又為溫室凝
缸室浴蘭室曲房連檻飾黃金白玉以壁為表裏千變
萬狀連遠條館號通仙門

飛燕
外傳

趙飛燕女弟居昭陽殿中庭彤朱而殿上丹漆砌皆銅
沓黃金塗白玉階壁帶往往為黃金缸含藍田壁明珠
翠羽飾之上設九金龍皆銜九子金鈴五色流蘇帶以
綠文紫綬金銀花鐏每好風日幡旒光彩照耀一殿鈴

鐻之聲驚動左右中設木畫屏風文如蜘蛛絲玉几玉
牀白象牙簟綠熊席席毛長二尺餘人眠而擁毛自蔽
望之不能見坐則沒膝其中雜薰諸香一坐此席餘香
百日不歇有四玉鎮皆達照無瑕缺牕扉多是綠琉璃
亦皆達照毛髮不得藏焉椽桶皆刻作龍蛇縈繞其間
鱗甲分明見者莫不兢慄匠人丁緩李菊巧為天下第
一締構既成向其姊子樊延年說之而外人稀知莫有

傳者

西京
雜記

魏時起安世殿武帝後居之安世武帝字也

晉書

烈宗起清暑殿識者曰清暑反語楚聲也為殿以酸楚

之聲為號非吉祥也頃烈宗崩桓玄自號楚

晉中興書

張駿盡有隴西之地于姑臧城南築城起謙光殿畫以

五色飾以金玉窮盡珍巧殿之四面各起一殿東曰宜

陽青殿以春三月居之章服器物皆依方色南曰朱陽

赤殿夏三月居之西曰政刑白殿秋三月居之北曰玄

武黑殿冬三月居之

晉書

苻堅懸珠簾于正殿以朝羣臣宮宇服御物極珍飾之
奇尚書金部郎裴元畧諫曰願陛下遵采椽之不斷鄙
瓊室而不居堅笑曰非卿之忠朕何由聞過乎

蕭方等
三十國

春秋

石虎于大武殿前起樓高四十丈結珠為簾垂五色玉
珮風至鏗鏘和鳴清雅盛夏之時登高樓以望四極奏
金石絲竹之樂以日繼夜于樓下開馬埽射場周迴四
百步皆文石丹砂及彩畫于埽旁聚金玉錢貝之寶以

賞百戲四廂置錦幔屋柱皆隱起為龍鳳百獸之形雕琢衆玉以飾楹柱夜中往往有光明集諸羗氏於樓上或時亢旱春雜寶異香為屑使數百人於樓上吹散之名曰芳塵臺上有銅龍腹可盛數百斛酒使胡人於樓上嚙酒風至望之如露名曰粘雨臺引以灑塵樓上戲

笑之聲音震鄴中

十六國春秋

有清暑殿芙蓉殿九華殿百兒殿

晉宮闈名

李陵降匈奴裔孫歸魏見於丙殿賜姓丙

流盃殿兩邊皆有亭子以間山池此殿上作漆渠九曲
從陶光園引水入渠煬帝常於此為曲水之飲

登師者止匡廬大林寺通誦法華晝夜不息一日忽見
空中有一銀殿漸下於房忽變成金殿師遂入殿坐起
經行如是三載遠邇四衆嚴持香華從師乞戒登曰白
日喧雜心多散亂當於清夜受之至夜正說戒相三歸
依時師之口吻放光明徧照大衆衆見光明競拜喧闐
師即不語光便收斂師云本欲受戒那得見光喧闐光

現但是受戒祥瑞未是得戒正緣今更從初大衆默然
師又說法還復放光衆又喧闐因而且止明日再來師
即辭別歸山所現金殿還復如故一日忽謂門人曰今
登金殿不復回也即於是日倏然超化

神僧傳

寥陽殿太和殿皆云玉清宮中殿名

登真隱訣

有紫微玄珠殿中央黃老君居之

上清經以下臺

伏羲有敷教之臺見三墳

帝既斬蚩尤因立臺榭無屋曰臺有屋曰榭

黃帝內傳

夏為清臺商為神臺周為靈臺

玉海

朝歌有獄臺相傳為禹囚舜之宮

述異記

蒲州蚩尤城鳴條野禹娶塗山女思戀本國築臺以望之謂之清臺上有禹祠下有清臺驛

桀起靈門紂起鹿臺

越絕書

武王親禽帝受於南單之臺蓋鹿臺之異名也

竹書紀年

天子遊於河濟盛君獻女為造重璧臺

穆天子傳

靈王起昆昭之臺亦名宣昭聚天下異木神工得嶠谷

陰生之樹其樹千尋文理盤錯以此一樹而臺用足焉
大幹為桁棟小枝為桷桷其木有龍蛇百獸之形又篩
水精以為泥臺高百丈昇之以望雲色

拾遺記

景公起大臺之役歲寒不已國人望晏子晏子見公乃
坐飲酒樂晏子曰君若賜臣臣請歌歌曰庶民之言凍
水洗我若之何太上靡散我若之何歌終喟然流涕公
止之曰子殆為大臺之役夫寡人將速罷之

晏子春秋

齊景公為露寢之臺成而不通焉栢常騫曰為臺甚急

臺成君何為不通焉公曰然梟昔者鳴吾惡之甚是以不通焉栢常騫曰臣請禳而去之公曰何其對曰築新室為置白茅焉公使為室成置白茅焉栢常騫夜用事明日問公曰今昔聞梟聲乎公曰一鳴而不復聞使人往視之梟當陞布翼伏地而死公曰子之道若此其明也亦能益寡人之壽乎對曰能公曰能益幾乎對曰天子九諸侯七大夫五公曰亦有徵兆之見乎對曰得壽地且動公喜令百官趣具騫之所求栢常騫出遭晏子

於塗拜馬前辭曰騫為君禳臬而殺之君謂騫曰子之道若此其明也亦能益寡人壽乎騫曰能今且大祭為君請壽故將往以聞晏子曰嘻亦善矣能為君請壽也雖然吾聞之惟以政與德順乎神為可以益壽今徒祭可以益壽乎然則福名有見乎對曰得壽地將動晏子曰騫昔吾見維星絕樞星散地其動汝以是乎栢常騫俯有間仰而對曰然晏子曰為之無益不為無損也薄賦歛無費民且令君知之

說苑

宋皇國父為大宰為平公築臺妨於農收子罕請俟農
功之畢公弗許築者謳曰澤門之哲實興我役邑中之
黔實慰我心子罕聞之親執扑以行築者而扶其不勉
者曰吾儕小人皆有闔廬以辟燥濕寒暑今君為一臺
而不速成何以為役謳者乃止或問其故子罕曰宋國
區區而有詛有祝禍之本也

左傳

莊王為匏居之臺高不過望國氛大不過容宴豆

國語

陳惠侯大城因起凌陽之臺未終而坐法死者數十人

又執三監吏夫子適陳見陳侯與俱登臺而觀焉夫子
曰美哉斯臺自古聖王之為臺未有不戮一人而能成
功若此者也陳侯默然而退遽竊赦所執吏既而見夫
子問曰昔周作靈臺亦戮人乎答曰文王之興附者六
州六州之衆各以子道來故區區之臺未及期月而既
成矣何戮之有夫以少少之衆能立大大之功唯君耳

孔叢
子

莊王築層臺延袤百里大臣諫者七十二人用諸御已

言而罷

楚禱
祝

吳王夫差築姑蘇之臺三年乃成周旋詰屈橫亘五里
崇飾土木殫耗人力宮妓數千人上別立春宵宮為長
夜之飲造千石酒鍾夫差作天池池中造青龍舟舟中
盛陳妓樂日與西施為水嬉吳王於宮中作海靈館館
娃閣銅溝玉檻宮之楹檻珠玉飾之

述異
記

吳王夫差築如皇之臺

韓
子

初越王入國有丹鳥夾王而飛故勾踐入國起望烏臺

言丹烏之異也

拾遺記

勾踐起怪浮臺以灼龜又仰觀天時以觀天怪今龜山

其地也亦曰怪山往石一夜飛來民怪之故名

越絕書

越王平吳後立賀臺於越

吳越春秋

秦康公築臺三年荆人起兵攻齊任妄曰餓召兵疾召

兵勞召兵亂召兵君築臺三年今荆人起兵臣恐其攻

齊為聲而以襲秦為實也不如修之戍東邊荆人輟行

韓非子

翟王使使至楚楚王誇使者以章華之臺臺甚高三休
乃至楚王曰翟國亦有此臺乎使者曰否翟寔國也惡
見此臺也翟王之自為室也堂高三尺壤階三級茆茨
弗翦采椽弗刮且翟王猶以作之者太苦居之者太佚
翟國惡見此臺也楚王媿賈子
周赧王雖居天子之位為諸侯所侵逼與家人無異貴
於民無以歸之乃上臺以避之故周人因名臺曰逃債

帝王
世紀

魏王將起中天臺令曰敢諫者死許綰負操鍾入曰聞
大王將起中天臺臣願加一力王曰子何力有加綰曰
雖無力能商臺王曰若何曰臣聞天與地相去萬五千
里今王因而半之當起七千五百里之臺高既如是其
趾須方八千里盡王之地不足以為臺趾王必起此臺
先以兵伐諸侯盡有其地猶不足又伐四夷得方八千
里乃足以為臺趾林木之積人徒之衆倉廩之儲數以
萬億度八千里之外當定農畝之地足以奉給王之臺

者臺具以備乃可以作魏王默然無以應乃罷起臺

說苑

始皇起雲明臺窮四方之珍木搜天下之巧工南得煙
丘碧樹酈水燃沙貢都朱泥雲岡素竹東得蔥巒錦栢
漂椹龍松寒河星柘屹雲之梓西得漏海浮金狼淵羽
壑滌嶂霞桑沉塘員籌北得冥阜乾漆陰坂文梓褰流
黑魄閭海香瓊珍異是集工人騰虛緣木揮斤斧於空
中子時起工午時已畢秦人謂之子午臺亦言於子午
之地各起一臺二說疑也

拾遺記

尉佗立臺以朝漢室圓基千步直峭百丈號為朝臺

廣州

記

蠡臺梁孝王所築於兔園中迴道似蠡因名之

述異記

梁孝王築平臺臺至今存有蒹葭洲鳧藻洲梳洗潭中

有望泰山商人望鄉之處

上

鴻臺秦始皇二十七年築高四十丈上起觀宇帝嘗射

飛鴻于臺上故號鴻臺漢書惠帝四年長樂宮鴻臺災

三輔
黃圖

武帝初起神臺時掘地入三十丈得泉水色黃傍有人
居無日月光明晝夜以火照中有人食土飲水服赭布
之衣漢人問汝何時居此答曰商王無道使兆人入地
千丈求青堅之土以作瓦起瑤宮金堂土人皆以繩入
地裏負器取上多有壓陷死者今猶二人在耳漢人問
何得獨存答曰我以玉為衣金為環身有金玉故心氣
不滅漢人問汝欲更出為人否答曰食土飲泉與螻蟻
為伍寧望日月乎乃引出三日自死骨肉糜成灰惟心

如彈丸大堅如石以物扣之則是乾血耳

洞冥記

武帝元封二年作甘泉通天臺漢舊儀云通天者言此臺高通于天也漢武故事築通天臺於甘泉去地百餘丈望雲雨悉在其下望見長安城武帝時祭太乙上通天臺舞八歲童女三百人祠祀招仙人祭太乙云令人升通天臺以候天神天神既下祭所若大流星乃舉烽火而就竹宮望拜上有承露盤仙人掌擎玉杯以承雲表之露元鳳間自毀椽桷皆化為龍鳳從風雨飛去西

京賦云通天眇而竦峙徑百常而莖擢上瓣花以交紛
下刻隋其若削亦曰候神臺又曰望仙臺以候神明望

神仙也

三輔
黃圖

望鴻臺眺蟾臺桂臺商臺避風臺

上

帝於望鵠臺西起俯月臺臺下穿池廣千尺登臺以眺
月影入池中使仙人乘舟弄月影因名影娥池亦曰眺

蟾臺

述異
記

有一女人愛悅於帝名曰巨靈帝傍有青珉唾壺巨靈

乍出入其中或戲笑帝前東方朔望見巨靈乃目之巨靈因而飛去望見化成青雀因其飛去帝乃起青雀臺時見青雀來不見巨靈也

上

長樂宮有關雞臺

三輔黃圖

廣漢郡有嚴君平卜臺

蜀記

建章宮北作涼風臺積水為樓

三輔黃圖

金虎臺曹操十八年作於鄴

文帝築土為臺基高四十丈列燭置於臺下名曰燭臺

遠望如列星之墜地以處美人薛靈芸焉

拾遺記

吳王潘夫人以火齊指環掛石榴枝上因其處臺名曰環榴臺時有諫者云今吳蜀爭雄還劉之名將為妖子權乃翻其名為榴還臺也

上

綺雲之館潁霞之臺

江淹賦

鍾山上有金臺七寶紫闕

五符經

有太空瓊臺丹玕之殿

靈書紫文上經

天闕上有六層玉臺太上真人集宴之所也

金根經

七寶臺在上清境玉晨道君所居

登真隱訣

玉清天中有散華臺是四斗七晨道君所治

茅君內傳

含直臺處士之得道者居之蕭閑堂童男之得道者居

之

陶弘景真誥以下觀

上林苑有昆明觀武帝置又有繭觀平樂觀遠望觀燕

昇觀觀象觀便門觀白鹿觀三爵觀陽祿觀陰德觀鼎

郊觀樛木觀椒唐觀魚鳥觀元華觀走馬觀柘觀上蘭

觀郎池觀當路觀

三輔黃圖

石闕觀封巒觀雲陽宮記雲宮東北有石門山岡巒糾
紛干霄秀出有石巖容數百人上起甘泉觀甘泉賦云
封巒石闕彌迤乎延屬上

射熊觀在長楊宮

白楊觀在昆明池東

長平觀在池陽宮臨涇水

飛廉觀在上林武帝元封二年作飛廉神禽能致風氣
者身似鹿頭如雀有角而蛇尾文如豹武帝命以銅鑄

置觀上因以為名班固漢武故事曰公孫卿言神人見於東萊山欲見天子上於是幸緱氏登東萊留數日無所見惟見大人跡上怒公孫卿之無應卿懼誅乃因衛青白上云仙人可見而上往遽以故不相值今陛下可為觀於緱氏則神人可致且仙人好樓居不極高顯神終不降也於是上於長安作飛廉觀高四十丈於甘泉作延壽觀亦如之後漢明帝永平五年至長安悉取飛廉并銅馬置之西門外為平樂觀董卓悉銷以為錢

龍臺觀在豐水西北近渭

涿木觀在上林苑

細柳觀在長安西北三輔舊事云漢文帝大將軍周亞夫軍於細柳今呼古徼是也

成山觀成王在東萊不夜縣於其上築宮闕以為觀
仙人觀霸昌觀蘭池觀安臺觀淪沮觀在城外又有禁
觀董賢觀蒼龍觀當市觀旗亭樓馬伯騫樓在城內
屬玉觀在扶風屬玉水鳥似鵠鵲以名觀也又曰屬玉

似鴨而大長頸赤目紫紺色

青梧觀在五柞宮之西觀亦有梧桐樹下有石麒麟
二枚刊其脇文字是秦始皇驪山墓上物也頭高一丈
三尺東邊者前左脚折處有土如血父老謂其有神皆

含血屬筋焉

並上

洛陽有廣望觀臨商觀

輿地志

長安有臨山觀僊人觀平樂觀九華觀走馬觀華光觀
封巒觀相思觀長平觀宜春觀華池觀白渠觀三雀觀

漢宮
殿名

洛城十八觀皆施玄檻銑籠梳雲母幌

華延雋
洛陽記

宮中有臨高陵雲宣曲廣望閭風萬世修齡總章聽訟
凡九觀皆高十六七丈以雲母著牕裏日曜之煒煒有

光輝

陸機洛
陽記

漢武帝時玉筍山民感山之靈異或愆災蝗祈之無不
應乃相謂曰可置一觀彰表靈跡既構殿闕中梁一條
邑民將選奇材經數旬未獲忽一夜震雷風烈達曙乃

晴天降白玉梁一條光彩瑩目因號為玉梁觀至魏武帝時遣使取之至其山門去觀數里亭午之際雷電大震裂殿脊化為白龍擘煙霧而去沒觀之東山下晉永嘉中有戴氏子每好遊巖谷偶入郁木山下見兩座青石檣一條白玉樑於巖下戴氏俯近省之以手捫摸其上見赤書五行皆天文雲篆試以手斧敲之聲如鐘又如隱雷之聲鱗甲張起戴氏驚異奔走告人再求尋之不知其所

玉笥
山錄

魏文帝為閱書觀讀書千卷者登此觀觀者六人而已

三國
遺錄

明帝置崇文觀徵善屬文者以充之

魏志
以下堂

天子堂九雉諸侯七雉伯子男五雉

尚書
大傳

崑崙山有光碧之堂西王母所居

十洲
記

靈帝出自侯門居貧即位常曰桓帝不能作家曾無私

蓄故於西園立黃金堂以為私藏

後漢
書

河間王琛造文栢堂形如徽音殿置五井金罐以金五

色續為繩伎女三百人皆國色又造迎風館於後園玉
鳳銜鈴金龍吐珮素柰朱李枝條入檐伎女樓上坐而
摘食琛謂章武王融曰不恨我不見石崇恨石崇不見
我融曰嘗謂高陽寶貨多於融誰知河間贍之在前江
陽繼笑曰卿欲作袁術之在淮南不知世間復有劉備
也

伽藍
記

柰林南有石碑一所魏文帝所立也題云苗茨之碑高
祖於碑北作苗茨堂永安四年莊帝馬射於華林園百

官皆來讀碑疑苗字誤國子博士李同軌曰魏文英才
世稱三祖徐幹仲宣為其羽翼但未知其本意何如不
得言誤也銜之時為奉朝請因即釋曰以蒿覆之故言
苗茨何誤之有衆咸稱善以為得其旨歸

工以
下室

周德隆草木茂盛蒿堪為宮室因名蒿室

竹書
紀年

景公新成栢寢之室使師開鼓琴師開左撫宮右彈商
曰室夕公曰何以知之師開對曰東方之聲薄西方之
聲揚公召大匠曰室何為夕大匠曰立室以宮矩為之

於是召司空曰立宮何為夕司空曰立宮以城矩為之
明日晏子朝公公曰先君太公以營丘之封立城昌為
夕晏子對曰古之立國者南望南斗北戴樞星彼安有
朝夕哉然而以今之夕者周之建國國之西方以尊周
也公蹙然曰古之臣乎

晏子

齊宣王為大室大蓋百畝堂上三百戶以齊國之大具
之三年而未能成羣臣莫敢諫者香居問宣王曰荆王
釋先王之禮樂而為淫樂敢問荆邦為有主乎王曰為

無主敢問荊邦為有臣乎王曰為無臣居曰今王為大
室三年不能成而羣臣莫敢諫者敢問王為有臣乎王
曰為無臣香居曰臣請避矣趨而出王曰香子留何諫
寡人之晚也遽召尚書曰書之寡人不肖好為大室香
子止寡人也

新序

閻閻畏王僚之子慶忌作石室銅戶以備之

長安有非常室

三輔黃圖

洛陽城有鬱金屋

戴延之西征記

上起神屋鑄銅為柱黃金塗之赤玉為階楹亦以金刻玳瑁為金獸以薄其上楹首皆作龍首銜鈴流蘇懸之鑄銅為竹以赤白石脂為泥椒汁和之以火齊薄其上扇屏悉以白琉璃作之光照洞徹以白珠為簾箔玳瑁壓之以象牙為牀以琉璃珠玉明月夜光襍錯天下珍寶為甲帳其次為乙帳甲以居神乙上自御之前庭植玉樹珊瑚為枝以碧玉為葉或青或赤悉以珠玉為之子皆空其中如小鈴鎗鎗有聲薨標作鳳皇軒翥若飛

狀

漢武故事

青精君登紫空之山化玉室之內

十洲記

黃闕紫戶玄精之室

真一經

有黃房之室玉容之堂貞宸道君治其中

上清經

有流雲九色之房

無上真人內傳 又洞景金玄經有八瓊之室上清經有碧室 以下苑

園

人皇以九州為九圓此名圓之始也

淮南子云 湯初作圓

歸韋氏之圓黃帝之圓有虞氏之宮湯武之室

莊子

帝曰余每之東苑未嘗不感去之則復靈樞

思賢苑孝文帝為太子立思賢苑以招賓客苑中有堂
室六所客館皆廣廡高軒屏風幃褥甚麗

洛陽有芝萑園漢官儀云染園出芝萑供染御服是其

處也

述異記

甘泉宮有木園今俗呼為仙草園上

鄴有鳴鶴園蒲桃園晉宮閭名

濯龍園在洛陽西北角續漢書

漢靈帝造畢圭靈舘苑

昭祥苑周千里萬國獻異物皆集此中

洞冥記

洛陽有洪德苑靈昆苑平樂苑

晉宮閤名

蔓園在定陵漢官儀曰蔓園供染綠紋綬小藍曰蔓

蔓音

稷

芙蓉園在洛陽漢家置之長沙定王故宮有蓼園真定

王故園也

述異記

張騫首蓂園今在洛中首蓂本胡中菜也張騫始於西

戎得之

梧桐園在吳宮本吳王夫差舊園也一名鳴琴川

並上

張天錫數宴園池政事頗廢盪難將軍校書祭酒索商
上疏極諫天錫答曰吾非好行行有得也觀朝榮則敬
才秀之士翫芝蘭則愛德行之臣覩松竹則思貞操之
賢臨清流則貴廉潔之行覽蔓草則賤貪穢之吏逢颶
風則惡凶狡之徒若引而伸之觸類而長之庶無遺漏

矣

晉書

文帝築華林園盛暑役人何尚之諫帝曰小人常日曝背未足為勞

當時四海晏清八荒率職珠囊記慶玉燭調辰鰥寡不聞犬豕之食莞獨不見牛羊之衣於是帝族王侯外戚公主擅山海之富居川澤之饒爭植園宅互相誇競崇門豐室洞戶連房飛館生風重樓起霧高臺芳樹家家而築花林曲池園園而有桃李夏綠竹栢冬青而河間

王琛最為豪首

洛陽伽藍記

洛陽宮有春王園

晉宮閭名
以下門

閭門一名破楚門子胥伐楚出此

郡國志

魯連子曰先生見孟嘗君於杏唐之門

藝文類聚

磁石門西門在阿房前悉以磁石為之故專其目令四

夷朝者有隱甲懷刃入門而脇之以示神故亦曰卻胡

門

水經注

洛陽故宮有飛兔門含章門西華門却非門九龍門金

商門宜秋門

蔡質漢官儀

長安有宣平門覆盎門萬秋門青綺門洛陽有倉龍門

金牙門不老門濯龍門

漢宮殿

長安城東出南頭第一門曰霸城門民見門色青名曰
青城門或曰青門門外舊出佳瓜廣陵人邵平為秦東
陵侯秦破為布衣種瓜青門外瓜美故時人謂之東陵
瓜廟記曰霸城門亦曰青綺門漢書王莽天鳳三年霸
城門災莽更霸城門曰仁壽門無疆亭

三輔黃圖

長安城北出東頭第一門曰洛城門又曰高門漢宮殿

疏曰高門長安北門也又名鸛雀臺門外有漢武承露

盤在臺上

上

洛陽開陽門宿昔有一柱飛來瑯琊開陽縣上言縣城

南一柱飛去光武遂名其門為開陽

後漢書

哀帝為董賢起大第於北闕下重五殿洞六門柱壁皆
畫雲氣花藹山靈水怪或衣以絳錦或飾以金玉南門
三重署曰南中門南上門南更門東西各三門隨方面
題署亦如之樓閣臺榭轉相連注山池玩好窮盡雕麗

西京
雜記

王莽天鳳三年十月戊辰王路朱鳥門鳴晝夜不絕崔
發等曰虞帝闢四門達四聰門鳴者明當修先聖之禮
招四方之士也於是令羣臣皆賀所舉士行從朱鳥門
入而對策焉

孔融深敬於鄭玄屐履造門告高密縣為玄特立一鄉
曰鄭公鄉昔東海于公僅有一節或戒鄉人侈其門閭
矧乃鄭公之德而無駟牡之路可廣開門衢令容高車

號為通德門

後漢書

王濬字士治恢廓有大志嘗起宅開門前路廣數十步人或謂之何太過濬曰吾欲使容長戟幡旗衆咸笑之濬曰陳勝有言燕雀安知鴻鵠之志


晉書

銅駝街在洛陽宮南金馬門外人物繁盛俗語云金馬門外聚羣賢銅駝街上集少年

陸機洛陽記

謝歆金昌亭詩叙曰予尋師來入經吳行達昌門忽覩斯亭傍川帶河其旁題曰金昌訪之耆老曰昔朱買臣

仕漢還為會稽內史逢其迎吏逆旅北舍與買臣爭席
買臣出其印綬羣吏慚服自裁因事建亭號曰金傷失
其字義耳



廣博物志卷三十六